

ACAD.
LUGD. BATAV.
BIBLI.

Monsieur

Ayant receu la tresagre. v^{re} du 23. Nou.
en laquelle vous me demandez de respondre au plusost, j'ay este
si honteux de n'auoir obserue' ceste circonstance, que l'une
faulte a attire' l'autre. Ouer ffoes ouer bootes. Ma
femme estant en extraordinaires foiblez deuant e' apres
son accouchement, m'a defait empesche' plus de six mois de ne
pouuoir m'enquetter a Londres ains' il eut este' de besoyn.
M^r. Burlamaqui fit l'offi^c pour moy e' demanda a M^r.
Mermet si il embrasseroit une telle vocation. Lui refusa
a plat: e' je l'ay entendu depuis de fort bonne part, qu'il
en est du tout auers. Et qui plus est il a renouie' l'eglise
de Londres pour crainte de la peste, (come il pretendoit) aultres
croient pour ce qui il aime sa liberte', e' ne vouldroit estre
charge' de tant de presches. Quand vous en demandez mon
jugem^t. par le menu je me confie en v^{re} amitie' que ce
seroit pour demeurer inter nos, Vous l'auiez dit, discoureur
au large a la trop francyse, eloquent, non. indocte, ni
sans fard e' ostentation: Au reste Dieu seul void les coeurs
Vous vous moquez de moy fierement quand vous me persuadez
a imprimer. Et ce n'a pas este' une des moindres occasions
qui a retarde' plus long temps ma response pour ne scauoir
quelle contenance tenir. Une aultre fois espargne' vos amis.
Exhortez moi a auoir soyn de catechizer mes jeunes gens
e' c'est ce qui me fault. Je suis fort desirieux d'entendre
de l'estat de v^{re} famille e' si Dieu vous a donne' des
enfants, puis qu'il vous plaist auoir souuenance de nost^r
ancienne familiarite' parmi vos affaires d'estat. Ma
femme m'a ceste annee' donne' mon troisieme enfant
apres six ans de repos, second filz dont elle s'est a peine
releuee de 4. mois apres. Pardonnez M^r. que je
m'oublie. Je vous baise tres humble^t. les mains e' a Mad^e.
p^riant Dieu de vous faire la grace que vous rendiez bon conte
des grands talens dont il vous a enrichi.

Vost^r tres humble ser^v.
Cesar Calandrini

Huy. 37

Lond. 14. Sept. 1630.

A. Monf.^r

Monf.^r le Chevall.^r
Huyghens

A La Haye.